



Nataon'ny Filoha Boyd K. Packer
Filohan'ny Kôlejin'ny Apôstôly Roambinifolo

Ny Anton'ny Fanantenantsika

Zavatra tsy azo refesina na isaina ny fijoroana ho vavolombelona momba ny fanantenana ny fanavotana. I Jesoa Kristy no loharanon'izany fanantenana izany.

Taona maro lasa izay, nitsidika ny Oniverstite Oxford izaho sy Rahavy Packer. Nikaroka ireo rakitsoratra ahitana ny rain'ny razambeko fahasivy tany alohako izahay. Feno hatsaram-panahy i Dr. Poppelwell, filohan'ny Christ's College tao Oxford ka naniraka an'ilay mpiandraiki-tahirintsoratry ny toeram-pianarana hitondra ireo rakitsoratra. Hitanay tao amin'ny firaketana momba ny taona 1583 ny anaran'ilay razambeko, dia i John Packer.

Talohan'ny nanolorako azy ilay mpitondra fivavahana dia nosokafako teo amin'ny Torolalana ho an'ny Soratra Masina ilay soratra masina ary nasehoko azy ny lohahevitra iray: 18 pejy, tarehintsoratra madinika kely,

elanelan'andalana tokana, mitanisa ireo andinin-tsoratra masina amin'ny lohahevitra hoe "Jesoa Kristy." Io no anisan'ny andian-tsoratra masina mazava indrindra voangona hatramin'izay mikasika ny Mpamony teo amin'ny tantaran'izao tontolo izao—tenivavolombelona iray avy amin'ny Testamenta Taloha sy Vaovao, avy amin'ny Bokin'i Môrmôna, ny Fotopampiana-rana sy Fanekepihavanana ary ny Voahangy Lafo Vidy.

"Na amin'ny fomba ahoana na fomba ahoana ny hanarahanao ireo andinin-tsoratra masina ireo," hoy aho taminy, "na andaniny sy ankilany, na avy eny ambony mankany ambany, na boky iray oharina amin'ny boky iray, na isaky ny lohahevitra—dia ho hitanao fa vavolombelona mari-pototra sy mirindra izy ireo mikasika ny maha-masina ny iraka nampa-naovina ny Tompo Jesoa Kristy—ny Fahaterahany, ny Fiainany, ny Fam-pianarany, ny Fanomboana Azy, ny Fitsanganany amin'ny maty, ary ny Sorompanavotany."

Taorian'ny nizarako tamin'ilay mpitondra fivavahana ny sasantsasany ami'ireo fampianaran'ny Mpamony dia

nihanalefaka ny fandraisany anay ary nentiny nitsidika ilay toeram-pianarana izahay, ka anisan'izany ny fitsidhana lavaka iray vao nohadiana izay na-hitana rindrina naoriana tamin'ny andron'ny Rômana.

Isan'ireo andinin-tsoratra masina voatanisa ao amin'ny Torolalana ho an'ny Soratra Masina ity iray ity izay hita ao amin'ny Bokin'i Môrmôna: Testamenta Iray Hafa momba an'i Jesoa Kristy: "Ary miresaka an' i Kristy isika, mifaly amin' i Kristy, mitory an' i Kristy, maminany ny amin' i Kristy, ary manoratra araka ny faminantsika mba hahafantaran' ny zanatsika ny loharano azony andrandraina ho famelana ny fahotany" (2 Nefia 25:26).

Tamin'ny teniny manokana no nanambaran'ny Mpamony hoe: "Izaho no lâlana sy fahamarinana ary fiainana; tsy misy olona mankany amin'ny Ray, afa-tsy amin'ny alalako" (Jaona 14:6).

Ary ao amin'ny Bokin'i Môrmôna Izy no manambara hoe: "Indro, Izaho no Ilay efa nomanina hatry ny fano-renana izao tontolo izao mba hanavotra ny oloko. Indro, Izaho no Jesoa Kristy. . . . Ao Amiko no hananan' ny olona rehetra fiainana, ary izany dia mandrakizay, dia ireo izay hino ny anarako; ary ho tonga zanako lahy sy vavy ireo" (Etera 3:14).

Misy andinin-tsoratra masina maro dia maro hafa manerana ny soratra masina ankatoavin'ny Fiango-nana manontolo izay manambara ny anjara asa masin'i Jesoa Kristy amin'ny maha-Mpanavotra ny olon-drehetra izay efa teraka na mbola ho teraka eto amin'ny fiainana an-tany.

Amin'ny alalan'ny Sorompanavotan'i Jesoa Kristy no anavotana antsika rehetra amin'ny Fahalavoan'ny olombelona izay nitranga tamin'ny nihinan'i Adama sy i Eva ilay voankazo voarara tao amin'ny Sahan'i Edena, araka ny voalaza ao amin'i 1 Korintiana, "Fa tahaka ny ahafatesan'ny olona rehetra ao amin'i Adama no ahaveloman'ny olona rehetra kosa ao amin'i Kristy" (1 Korintiana 15:22).

Mampianatra ny Bokin'i Môrmôna hoe: "Fa ilaina ny hanaovana ny sorompanavotana . . . , fa raha tsy izany dia tsy azo ihodivirana ny tsy maintsy

hahafaty ny olombelona rehetra; eny, mafy fo ny rehetra; eny, lavo sady very ny rehetra, ary tsy maintsy ho faty raha tsy noho ny sorompanavotana, . . . ny sorona lehibe sady farany" (Almà 34:9-10).

Mety tsy manana fainana tonga lafatra isika ary misy sazy vokatry ny fahadisoantsika, kanefa talohan'ny nahatongavantsika teto an-tany dia nanaiky isika fa hanaraka ny Lalàny sy hanaiky ireo famaizana noho ny fandikana ireo lalàna ireo.

"Fa samy efa nanota izy rehetra ka tsy manana ny voninahitra avy amin'Andriamanitra;

"Nefa hamarinina maimaimpoana amin'ny fahasoavany izy noho ny fanavotana izay ao amin'i Kristy [Jesoa]" (Romana 3:23-24).

Nao ny Sorompanavotana ny Mpamony, izay fomba iray hahafantsika ho lasa madio. I Jesoa Kristy no ilay Kristy nitsangana tamin'ny maty. Mitsaoka sy manaja Azy isika noho ny fanaintainana nozakainy ho antsika rehetra ary noho ny fanaintainana niaretany ho antsika tsirairay avy, tao amin'ny Sahan'i Getsemane sy teo amin'ny hazofijaliana. Nizaka ny zava-drehetra tamim-panetrentena lehibe Izy sy tamin'ny fahatakarana mandrakizay ny anjara asany sy ny tanjony masina.

Ireo izay mibebaka sy mahafoy ny ota dia hahita fa vonona hanampy hatrany ilay sandriny feno famindrampo. Ireo izay mihaino sy mankato ny teniny sy ny tenin'ireo mpanompo voafidiny dia hahita fiadanana sy fahatakarana, na dia ao anatin'ny ratrampo sy fahrimbe aza. Hanafaka antsika amin'ny vokatr'ireo ota ny sorona nataony mba hahafahan'ny helotsika ho voafafa ka hananantsika fanantena.

Raha tsy nanatanteraka ny Sorompanavotana Izy dia tsy ho nisy ny fanavotana. Ho tontolo izay sarotra hiainana tokoa ity izao tontolo izao ity raha toa ka tsy afaka ny ho voavela amin'ny fahadisoantsika mihitsy isika, raha toa ka tsy afaka ny ho voadio na oviana na oviana ary hanohy ny fainantsika indray.

Tsy voafetra ho an'ireo izay nanota noho ny fanaovana ny ratsy

amim-panahy iniana na noho ny fandinoana manao ny tsara fotsiny ihany ny famindrampo sy fahasoavan'i Jesoa Kristy, fa tafiditra ao anatin'izany ilay fampanantenana ny fiadanana mandrakizay ho an'ireo rehetra izay manaiky sy manaraka Azy sy ny fampianarany. Ny famindrampony no mpanasitrana mahery, eny fa na ho an'ireo voaratra noho ny otan'ny hafa aza.

Vao tsy ela aho no nandray taratasy avy tamin'ny vehivavy iray izay nilaza fa nizaka fijaliana lehibe izy teo amin'ny fainany. Nisy zavatra ratsy dia ratsy natao taminy, izay tsy tiany nambara mivantana. Niaiky izy fa sahirana nanoloana ny fahatezerana goavana tsapany. Tao anatin'izany hatezerany izany no nanozonany tao an-tsainy hoe: "Tsy maintsy misy olona manonitra zavatra ratsy dia ratsy natao tamiko izao." Nandritra izany fotoan'ny alahelo sy ahiahy lehibe izany no nanoratany fa tonga tao am-pony teo no ho eo ny valiny, dia hoe: "Efa nisy olona nanonitra izany."

Raha tsy takatsika ny zavatra azon'ny soron'ny Mpamony hatao ho antsika dia mety handia ny fainantsika anatin'ny nenina isika hoe nanao zavatra tsy nety na nafintohana olona. Azo diovina ilay fahatsapana ho meloka avy amin'ny hadisoana. Hanana fanajana lalina isika ho an'ny Tompo Jesoa Kristy sy ny asa nanirahana Azy teto an-tany

ary ny asa masina nataony amin'ny maha-Mpamony Azy raha toa ka mikatsaka ny hahatakatra ny tanjon'ny Sorompanavotany.

Naverina amin'ny laoniny Ny Fiangonan'i Jesoa Kristy ho an'ny Olomasin'ny Andro Farany mba hanaparitaka eran'izao tontolo izao ny fahalalana momba ny fainan'ny Mpamony sy ny fampianarany. Ity fihalonambe goavana ity dia ampitaina amin'ny alalan'ny zanabolana amin'ny fiteny miisa 94 manerana ny firenena 102 ary azo jerena koa amin'ny Internet any amin'ny firenena tsirairay izay misy ny Fiagonana. Manana tsatòka mihoatra ny 3.000 isika. Mihoatra ny 88.000 ireo misiônerantsika manompo amin'ny fotoana feno ary mihoatra ny 15 tapitrisa ny totalin'ny isan'ny mpikamban'ny Fiagonana. Manaporofa ireo tarehimarika ireo fa ilay "vato izay nendahina hiala tamin'ny tendrombohitra nefo tsy nendahan-tanana" dia mandroso hatrany ary amin'ny farany hanenika "ny tany manontolo" (F&F 65:2).

Kanefa na lasa lehibe manao ahoana na manao ahoana aza ny rafitry ny Fiagonana, na firy tapitrisa na firy tapitrisa no tonga manatevin-daharana antsika, na firy na firy ireo kaontinanta sy firenena hitorian'ireo misiônera, na firy na firy ireo fiteny samihafa hifampiresahantsika, ny tena fahombiazan'ny filazantsaran'i Jesoa Kristy dia tombanana amin'ny tanjaka





Saipan, Nosy Mariannes Avaratra

ara-panahin'ireo mpikambana tsirairay. Ilaintsika ny tanjaky ny finoana izay miorina ao am-pon'ny mpianatra tsirairay mahatokin'i Kristy.

Zavatra tsy azo refesina na isaina ny fijoroana ho vavolombelona momba ny fanantenana ny fanavotana. I Jesoa Kristy no loharanon'izany fanantenana izany.

Katsahantsika ny hampatanjaka ny fijoroana ho vavolombelon'ireo tanora sy ireo olon-dehibe, ireo manambady sy ireo tsy manambady. Mila mampianatra ny filazantsaran'i Jesoa Kristy amin'ireo lehilahy, sy vehivavy ary ankizy isika, sy amin'ireo olona manana flaviána sy zom-pirenena samihafa, ary amin'ireo manankarena sy ireo mahantara. Mila ireo olona mpikambana vao haingana isika sy ireo eo anivontsika izay taranak'ireo mpamaky lay. Mila mikaroka ireo izay nivily lálana isika ary manampy azy ireo hiverina ato amin'ny vala. Mila ny fahendren'ny tsirairay isika sy ny fomba fijeriny ary ny tanjany ara-panahy. Singa manan-danja eo amin'ny rafitry ny Fiagonana

manontolo ny mpikambana tsirairainity Fiagonana ity.

“Fa tahaka ny tena iray ihany, anefa maro no momba ny tena, ary ireo rehetra momba ny tena ireo, na dia maro aza, dia tena iray ihany, dia tahaka izany koa Kristy.

“Fa Fanahy iray ihany no nanaovambatisa antsika rehetra ho tena iray. . . .

“Nefy ny momba ny tena tsy iray, fa maro” (1 Korintiana 12:12–14).

Mijoro ho vavolombelona ny fianan'i Jesoa Kristy sy ny fampianarany ny mpikambana tsirairay. Mifanandrina amin'ny herin'ny fahavaloo isika ary mila ny tsirairay avy raha toa ka maniry ny hahomby eo amin'ny asa izay na-sainy Mpamonjy hataotsika.

Mety hanontany tena ianao hoe: “Inona no azoko atao? Olona tokana ihany aho.”

Azo antoka fa nahatsiaro ho tena irery i Joseph Smith indraindray. Nison-drotra tamin'ny avo izy saingy nanomboka izany fony izy zazalahy kely 14 taona izay nametraka fanontaniana iray hoe: “Iza amin'ireo [antokom-pivavahana] rehetra ireo no marina?”

(jereo ny Joseph Smith—Tantara 1:10). Ny finoana sy ny fijoroana ho vavolombelona nananan'i Joseph momba ny Mpamonjy dia nitombo tahaka ny tsy maintsy hitomboan'ny antsika koa dia “andalan-tsortrata anampy andalan-tsortrata, fitsipika anampy fitsipika, etsy kely ary eroa kely” (2 Nefia 28:30; jereo koa ny F&F 128:21). Nandohalika nivavaka i Joseph ary endrey ny zavamahatalanjona nitranga vokatr'izany vavaka sy Fahitana Voalohany izany.

Amin'ny maha-iray amin'ireo Apôstôly Roambinifolo ahy dia mijoro ho vavolombelona momba ny Tompo Jesoa Kristy aho. Velona Izzy. Mpanavotra sy Mpamonjy antsika Izzy. “Noho ny Sorompanavotan'i Kristy dia azo vonjena ny olombelona rehetra” (Fanekem-pinoana 1:3). Lohan'ity Fiagonana ity Izzy. Fantany ny mpanompony. Hiaraka amin-tsika ny Fanahiny eo am-pirosoantsika amim-pahatokiana mankany amin'ny hoavy. Tsy manam-petra ny Heriny entimitahy sy mitarika ny fainan'ireo izay mikatsaka ny rariny sy ny fahamarinana. Mijoro ho vavolombelona ny Aminy aho amin'ny anaran'i Jesoa Kristy, amena. ■